Renzo Perotti Un atto

FOLATA DI RICORDI

Renza Peratti



L'ULTIMA SPLUA

UN ATTO

Folata di ricordi

TORINO = TIP. e LIBR. S. GIUSEPPE DEL COLLEGIO ARTIGIANELLI

LA SCENA

Lo studio del notaio.

Sulla parete di fondo si aprono: al centro, la porta adducente alla entrata dove lavora Carmela; a destra, una finestra sulla strada principale del paese.

In fondo alla parete di destra, una porta conduce al tinello, oltre

il quale si trova la cucina.

Al centro della parete di sinistra, ha risalto un vecchio camino dalle dimensioni gigantesche e patrimoniali, ai lati del quale si stagliano, una per parte, le porte delle altre camere dell'alloggio. Tra il focolare e la porta di destra è collocata una cassa contenente legna da ardere.

Davanti al focolare, una vecchia sedia a sdraio, stinta per vetustà, sulla quale, nelle ore libere, il notaio sdraia la sua stanca persona

e la sua persistente noia.

Sullo schienale della poltrona è disteso uno scialle scuro di lana.

A terra, presso lo sdraio, alcuni giornali abbandonati.

MOBILIO: solido, ma disusato, come tutti i mobili che derivano dalla eredità degli antenati.

E' anche trasandato.

Contro il lato sinistro della porta di fondo, un vecchio divano. Tra il divano e la porta centrale, un monumentale attaccapanni a

trippiede.

Contro, ed al centro della parete di destra, lo schienale del seggiolone del notaio, quasi incastrato fra i vari piani di una pesante biblioteca. Di fronte al seggiolone, una massiccia scrivania, ingombra di scartafacci. Alcuni quadri alle pareti, scelti e posti senza gusto.

Sono le ore nove di una noiosa mattinata di neve.

SCENA Ia

Marianin e Carmela

Marianin. (sbuffando raccatta da terra i giornali abbandonati dal notaio presso lo sdraio) E già; se per n'om marià ai basta na fômna a ardriselô, per un da marié ai na va almeno n'paira

PERSONAGGI

NÔDAR GIVONE,	60 anni
NELLA BARDINI,	22 anni
DÔTÔR PIERI, Medic côndôt	28 anni
GIÔAN BASSINO,)	70 anni
GIACÔ BASSINO, { fratei, agricôltôr	68 anni
PINÔT BASSINO,	65 anni
TOTA CARMELA, segretaria del nôdar	50 anni
MARIANIN, dona d'servisi del nôdar	45 anni
PINÔTINA, sôrela o'Marianìn	40 anni
VINCENS, om ad Pinôtina	45 anni
LINA, fia d'Pinôtina e d'Vincens	18 anni
GIGI, fieul d'Pinôtina e d'Vincens	15 anni
L'azione si svolge in un paese di montagna del Piem	onte

CARATTERI DEI PERSONAGGI

NÔDAR — Uno dei tanti scapoloni, rassegnati ormai a condurre una vita senza scopo. Se lo contendono la serva egoista e la segretaria isterica.

NELLA - Fresca, vivace, loquace sposina ventiduenne.

DÔTÔR — Bravo giovane, che non ha ancora perso completamente il tono rumoroso e spregiudicato dello studente.

BASSINO — Fratelli. Piccoli proprietari terrieri. Rancidi, permalosi, egoisti, litigiosi, venali.

CARMELA - Zitella romantica, sognatrice, isterica.

MARIANIN — Lardosa, linguacciuta, scaltra, faccendona, invadente, spadroneggiatrice.

PINÔTINA VINCENS LINA GIGI

gente volgare, sorniona e scroccona.

Carmela. (ironicamente, mentre sta disponendo alcuni fiori entro un esilissimo vaso di cristallo posto sulla scrivania del notaio) Ca vada là, Marianin, che per 'l nôdar, chila ai basta... (accentuando...) e côme!

Marianin. (impermalosita) E côn lon, cosa intend ad di?

Carmela. (sprezzante) Oh, franc gnente dë special.

Marianin. - E 'nt lôra?

Carmela. — Anlòra, lon c'à l'à dit prima, a val franc gnente, perchè se a na povra desgrassià ai saôteissa an ment da mnisse a presenté côme serva dal nôdar. chila ai mangëria per lô menô la côradela.

Marianin. (ironica) E perchè, c'a dovria presentesne

n'aôtra, mentre che i sôn già mi?

Carmela. (acre) L'é prope l'on ch'im ciamô anche mi, dato che chila da sôla, as la desbreuja côsì bin...

Marianin. (sbottando) Oh, c'a senta bin, tota Carmela; e c'as lô taca a fil dôpi tacà l'ôria. Per mi, qôand ch'i lai côntentà l'nôdar, i lai contentà tut al mônd. E chila për sta facenda, a saria mei c'a së stôpeisa la gaiofa.

Carmela. (ambigua) Oh lô sôma tuti... a lô sa tut al

pais che chila...

Marianin. — Che mi? Ma no c'a mérita nen. Pitost c'am daga da ment:

Cômpré d'fiôr per al nôdar a l'é franc inutl, tant,

a taca nen... a l'a capime?... A taca nen.

Carmela. — Cosa c'a veul capì chila d'lon c'a l'é sentiment, ad lon che na fior a peul esprime con al lin-

gôagi dël so profum?

Marianin. — Oh mi i vad nen tant per al sutil; le fiôr a peulô avei 'lingôagi c'a veulô, tant a mi an fa né caôd né freid; però, a sa dimlô, chila c'a l'é côsí inteligenta, che rassa d'efet c'a lavrìa stô lingôagi su l'nôdar, se a taôla, al post d'i taiarin a l'euô ed d'la crema, y buteissa un bel mas ad garofô, o se

d'invern, an mes ai linseui, anvece del marito pien ad brasa, jë spatareisa na dôseña d'reuse d'la môfa? A sa dimlô, su, c'a parla.

Carmela. — A parlé côn chila, as preuva la stessa sôdi-

sfassiôn côme a pisté l'acqua.

Marianin. — A fa bin a ste ciutô, perché ai cônven ad pi tense da cônt côl poc fià c'ai resta, per ciameie bôte a Nosgnôr quôand c'ai tôcrà tiré j'ultim caôsset, per tuti i pecà 'desideri e 'd maldicensa c'a l'a fait an sôa vita.

Carmela. — Che dona vôlgar. Ma a sa nen ch' la fas licenssié sui dôi pé, bruta spôrcaciôna d'na servassa.

Marianin. — Spôrcaciôna d'na servassa a mi?... Chila an fà licenssié mi?! (Erompe in una fragorosa risata) Ah côme c'as ved c'a na capis gnanca na frisa ad lon c'a peul valei (ironica) na sporca servassa côme mi, per n'om côme l'nôdar!

Carmela. — A l'é lon che rièssô nen a capì: côme na persôña côsì fiña, côsì dlicà, côn ad sentiment côsí

elevà, côsì nobil, côme l'nôdar...

Marianin. — Oh tota, c'an fassa nen vni 'lait ai gômô! Carmela. (continuando indignata)... a peussa 'mpanta-

nesse côn na dona côsí plateal côme chila.

Marianin. — A ved, tota, c'a s'ôfenda nen: ma ôrmai a l'é grumëtta, e anche s'as pacioca la facia côn le creme per stermé le rupie, anche s'a së strens ant al bust côi qôatr os per impedì c'a rôbatô per tera, l'età a peul nen stermela: a l'é prope grumëtta... e pura, côn tut lon, ad la vita pratica, ad côla vera, ad côla c'a merita vive, fiña adess a l'a mac nufiane 'l fum; a l'é për lon, c'a peul gnanca imaginesse cosa ch'i rapresentô mi per l'nôdar.

Carmela. — A rapresenta la sua ruiña.

Marianin. — Tut aôt: la sôa fòrtuña 'nvece. L'nôdar, a l'a dabsogn 'd na dona c'a sapia prepareie côi pitanssin c'a vadô ben per al so stomi n'po' giù d'corda; c'a

sapia curelô a temp ad tanti citi bôbô; e che, pi d'tut, a sapia feie dësmentié côn qôat gnogne e 'n piat ad bôña cera, le smorfie rupiôse d'la sôa segretaria isterica e petegôla.

Carmela. — Vilanassa!

Marianin. (minacciosa) Cosa l'a dit?

Carmela. (furiosa) Vilanassa, vilanassa, tre volte vilanassa.

Marianin. (rimboccandosi le maniche) A l'é parej c'a la veul? Eben ij farai travônde côla sporca dentera, a forssa d'lôrdôn ans la bôca (S'avventa su Carmela)

Carmela. — Sassiña... Sassiña...

Marianin. (frenandosi ad un'improvvisa idea) Ma no, c'a merita nen che më sporca le man côntra le sôe rupie... Pitôst... a l'é son ch'i veuj fé. (Corre alla scrivania, strappa i fiori collocati da Carmela, e li sbatte con violenza a terra, calpestandoli) C'ai guarda lí le sôe fiôr, e s'a lan un lingôagi côme chila a dis, c'ai fassa sgavassé s'a l'é bôña (ridacchia).

Carmela. (desolata, si porta le mani al volto, escla-

mando) Le mie fiôr... le mie pòvre fiôr!....

Scena II^a Nôdar, Dôtôr e Dette

Nôdar. (Entra dal fondo in compagnia del dottore. Porta berretto in testa. Ha le spalle ricoperte da un lungo mantello scurissimo. Veste un completo nero stinto e lucido. Calza scarponi da montagna. In mano ha un vecchio bastone. Appena entrato; osserva le due donne, poi, con calma, esclama) Beh... a l'é rivaje l'teremot?

Marianin. (con veemenza, indicando Carmela) A l'é chila che....

Carmela. (con veemenza, indicando Marianin) A l'é chila che...

Nôdar. (le interrompe, agitando le braccia) L'hai già capì tut... a l'é côsta, a l'é l'aôtra... sempre le stesse storie c'am fan amnì l'fôt (a Marianin) Ti, 'ntramente va an cusiña.

Marianin. — Ma mi...

Nôdar. — Ti, t'vas an cusiña, e set'veule fé n'opera prope santa... date 'n môrdiôn a la lenga... ma bel sec, ca na lassa 'l ricord almeno per un meis.

Marianin. (scoppiando in un pianto fragoroso) Ah, l'é parej c'am trata? Eben, a sta fresc che 'ncheuj ij prepara 'l risot côn i bôlé e le scalôpiñe al marsala... Oh si, si, a peul sté fresc... pitost i lassò brusé tut... (via dalla destra)

Scena III^a Nôdar, Dôtôr, Carmela

Nôdar. (stufo e bonario si rivolge a Carmela) E chila... tota... (le fa un cenno di uscire dalla porta centrale) c'am fassa s'benedet piasí... d'tôrné 'nt 'l so ufissi.

Carmela. — I lô ubidissô, còme ch'i lai sempre ubidilô, e côme ch'i lô ubidrai per tuta la vita... côn devôssiôn... e côn dedissiôn; ma prima, c'am permetta d'cheuje le mie povre fiôr... (Si china, raccoglie i fiori, poi languidamente al notaio) A jerô destinà a chiel....

Nôdar. (cadendo dalle nuvole) A mi?... e perchè môtiv? Carmela. (passionale) Oh c'a cerca nen d'indaghé, c'a tenta nen d'sôlevé la pera c'a dev teñe sarà en segret côme ant na tômba... Tant, al môtiv a lô savrà mai, mai... e peuj mai... (Via dal fondo)

SCENA IV

Nôdar e Dôtôr

- Nôdar. E c'a s'lö teña scias 'l so segret (al Dotor) Côme c'a ved, la mia cà a s'é trasfôrmasse ant un salice piangente. (Posa il bastone, appende il berretto ed il mantello all'attaccapanni; e va a sedersi in poltrona dietro la scrivania) Mah!...
- Dôtôr. (che indossa un berretto floscio da sciatore, subito tolto appena entrato in scena, giacca da vento, pantaloni corti, calzettoni e scarponi da montagna, con gioconda malizia) Lacrime si, ma lacrime d'amôr (celiando) Eh... eh... me car nôdar, chiel a l'é « il gallo del pollaio », il beato fra le donne...
- Nôdar. (ridendo) Difatti, a l'à pôdù cônstaté « de visu » d'qôanta beatitudine i sôn circôndà.
- Dôtôr. (che cammina su e giù per lo studio; in tono scherzoso, sentenzia) « Gelosia di donne rivali »... « urto di passioni... » « un cavaliere conteso da due dame »... Eh... eh... ai seurt fora 'l sôget per « un romanzo di cappa e spada ».
- Nôdar. O mei ancôra, le disgrassie d'un por diaô d'un nôdar c'a vôrria godse an santa pas côi pochi ani c'a l'a ancôra da vive, e 'nvece...
- Dôtôr. (scherzoso) Penssé c'a dôvria 'ndene ôrgôgliôs. Fiña a tant c'as fà fërmiôlé l'cheur d'le done, a l'é sègn che « l'antico valor non è ancor spento »...
- Nôdar. (paternamente) Eh dôtôr, dôtôr... Chiel a l'é giôvô e forsse a certe cose l'a 'ncôra mai penssaie... ma sa saveissa che 'bsogn che mi lai ad serenità... ad tranquilità afetuôsa...

SCENA V

Marianin e Detti

Marianin. (dal tinello adirata) Sôr nôdar, sôr nôdar....
Nôdar. (filosoficamente al Dottore, alludendo a Marianin) e 'nyece c'a senta....

Marianin. (entrando accigliata coi pugni sui fianchi) As peul saveisse gôand c'as decid de vnisse a gavé ji

scarpôn?

Nôdar. — A n'jé nen d'absogn.

Marianin. — Ma n'autra pi galupa! A l'é li tut bagnà côme n'aniòt e a veul fé 'l rôbust. Dop però, s'a l'a mal, a l'é a mi c'am tôca deje l'aspirina, prepareje 'l vin brulé, buteje i papin d'farina linôsa ans lë stomi...; su, su, c'a blaga nen tant e c'a veña a cambiesse.

Nôdar. — Auff... (si alza di malavoglia, e rivolgendosi al dottore) C'a më scusa 'n môment.

Dôtôr. — Ma certo. (Giovialmente ironico) Côme medic

i pôdrìa nen lasselô an man pi sicure.

Nôdar. (uscendo dalla destra brontola) Quante storie...

Marianin. (Seguendo il notaio) A sarìa mei c'as ricôrdeissa, che a la sôa età as peul pi nen fé l'erlô (via dietro il notaio)

SCENA VI

Dôtôr e vôs ad Carmela

Dôtôr. (godendosela un mondo, eclama all'indirizzo dei due che sono usciti) Che bele mace! (S'avvicina alla porta di fondo, la socchiude e, volgendo le spalle al pubblico, parla in tono caricaturalmente adulatorio, a Carmela, che lavora non vista nell'entrata) Tota Carmela, anche 'ncheui côme sempre, a l'a ôfrime l'ôcasiôn d'amiré i nobij sentiment ch'albergô ant el

so cheur.

Carmela. (da fuori) E cosa a vallô avei n'anima sentimental qôand che la materialità 'd la vita a l'angôanta ant le sôe grinfe e a la strassa côme 'n feuj d'carta velina?....

Dôtôr. (declamando) Ah tota Carmela, côme i capissô che côsta epoca del fer e del môtôr a l'é nen faita

per chila!

Carmela. (da fuori, sospirando) Eh, purtrop....

Dôtôr. (in comica enfasi) Chila, sensibila côme l'cantin d'un viôlin e apassiônà parej d'un'arpa, a lavría dôvù vive ai temp rômantic d'le castlañe e dij trôvadôr, qôand che l'cavaiér del seugn a rôbava la dona del so cheur per traspôrtela « sul bianco destriero dalle froge frementi » vers la vita, vers la felicità.

Carmela. (da fuori rapita) Ah!... per carità, c'à staga

ciutô, che na peus pi....

Dôtôr. (in vena di divertirsi alle spalle di Carmela) A s'imagina, tota Carmela, qôala c'a saria l'esplôsiôn d'la sôa gioia se « dall'alta bìfora di un maniero inerpicato come uno sparviero sull'erta roccia a strapiombo sul verde lago algato di mistero, a pòdeissa sciogliere le trecce, giù giù come una fluente colata d'oro, invitante all'ascesa verso l'amore, di un baldo garzone »... c'a peiseissa... almeno 'n quintal? (erompe in una fragorosa risata).

Carmela. (da fuori indispettita e delusa) Tuti istess, j'omini, tuti istess... A l'é mei perdie che trôveje... (Gli

chiude la porta sul viso).

Scena VII Dôtôr, Nôdar poi Carmela

Nôdar. (rientrando dal tinello in pantofole, si ferma incuriosito ad osservare la scena) Eben?

Dôtôr. (gioiosamente) Oh car nôdar! I fasìa 'n bagñ ant la pôesia côme në studentin ad quarta ginasio.

Nôdar. (prendendo lentamente posto alla scrivania) No: chiel a stasía fasènd la caricatura d'la pôesia... lon c'as peul mac fesse impunement, prope mac a la sôa età.

Dôtôr. (incuriosito) E a la sôa no?

Nôdar. — A la mia età a l'é pi nen permes ad pié 'n gir gnente.

Dôtôr. - E perché peuj?

Nôdar. — Perchè qôand che drinta a nôi a l'é tut frust e rusnent, a fa tant piasì pôdei cônstaté c'a j'é 'ncôra qôaicadun, magara ilùs, c'a cred su lon che nôi, na volta, j l'ôma giurà, côn la fiducia caôda e spensierà dij nostri vint ani.

Dôtôr. — Pôeta, alôra?!

Nôdar. (accompagnando con un largo gesto del braccio il suo pensiero vagante a ritroso nel tempo) Eh... fôrsse... Chissà....

Scena VIII Carmela e Detti

Carmela. (annunzia, rigida, dal fondo) I fratelli Bassino. Nôdar. — Un môment, adess i sôn ôcupà.

Dôtôr. — C'ai riceva pura, tant stasseira is vëdrôma tôrna per la siña d'i casadôr.

Nôdar. — Verament, in sentô nen vaire lon per parte-

cipeie.

Dôtôr. (fingendosi indignato) Ecco l'prim sintomo nefasto d'la pôesia: perdita dell'appetito.

Scena IX Giôan, Giacô, Pinot, e Detti

Giôan. (affacciandosi dal fondo) A sa, sôr nôdar, che nòi i lôma pressa?

Giacô. (Affanciandosi dal fondo) E che s'an ricéô nen

subit 'impajôma i tônd?

Pinot. — Perchè a ca i lôma da curé le bestie che, côn licenssa parland, an rendô d'pì che girôlé per j'ufissi. Carmela. (indignata) Che rassa d'insôlent: Ancalesse

d'parlé ant sa manera al sôr nôdar.

Nôdar. — C'a lassa côre, tota.

Dôtôr. (ironico) L'bôtal a dà 'l vin c'a là.

Giôan. (al dottore) A l'a rasôn, dôtôr; i nostri bôtai a dan 'l vin c'a lan, ma nôi i bôtai i j'ôma, e ben pien 'd barbera: ant sôa crota 'nvece, quand c'a j'é tant, as cônta 'n pintôn ad picheta e 'n liter d'asil.

Dôtôr. (per tagliar corto) Alôra, nôdar, i sôma inteis per

stasseira. Arvedlô d'bôn umôr.

Nôdar. — Cerea, dôtôr. (Ai fratelli Bassino) Avanti i Bassino.

Bassino. (i tre fratelli urtandosi e borbottando, si forniscono di sedie e si seggono allineati, di fronte al pubblico, con tono di sfida contro il notaio).

Dôtôr. (allontanandosi e parlando a Carmela con caricatura) Che rassa d'bacôarô. « altro che i cavalieri medioevali ». (Cerca di prendere confidenzialmente Carmela sotto braccio). Pa vera, tota?

Carmela. (offesa, si divincola, ed esce frettolosamente

dal fondo)

Dôtôr. (sorridendo) « Meglio soli che male accompagnati ».

SCENA X

Nôdar, Giôan, Giacô e Pinot

Nôdar. (ai tre) Dôngôe?

Giôan. - Dôngôe, se chiel a certa nen...

Giacô. - Dôngôe, se 'l fòsal divisori...

Pinot. - Dôngôe, se lon ch'i sôsteño...

Nôdar. (sbottando) Ancômincié nen côme 'l vostr solit, a parlé tuti 'nssema, sednò a diventa n'afé 'd dôi indrit.

Giôan. - Mi sôn al pi vej

Giacô. — La rasôn il l'ai mi (assieme)

Pinot. — I sai lon ch'im disô

Nôdar. (alzandosi e puntando i pugni sulla scrivania) Anlôra mi m'na vad.

Giôan. — Ma no

Giacô. — C'a staga sì (assieme)

Pinot. — C'a bôgia nen

Nôdar. — E va ben; però i restôma inteis ch'i parle un per volta e mac côl ch'ij dag la parola

Giôan. -Giaçô.

(fanno cenni di contrariata accondiscendenza)

Pinot. -

Nôdar. — Dôngôe, ricapitôlôma lon ch'i lôma già dit ant le sedute passà: L'fôsal divisori an côntestassiôn,

e c'a segna 'l cônfin tra le vostre tre prôprietà....

Giôan. — La mia l'é la pi grossa.

Giacô. — Per forssa, it las fane 'I truc gôand che nôi i j'erô richiamati ant l'aôtra gôera.

Pinot. — 'I prim testament c'a l'avía fait pare bôna-

nima, a l'era bin divers da 'l scônd.

Giôan. (esaltandosi) Mi i l'hai fait gnun truc, e iv darài qôerela a tuti dôi per le vostre calunie.

Giacô. (scattando) E mi... Pinot. (scattando) E mi....

Nôdar. (battendo un pugno sulla scrivania) Basta! Che la prôprietà d'un a sia pi bôndôsa che côla d'j'aôtri, ant el nostr cas a l'à franc gnun valôr. Nôi i devôma mac stabilì se « il tracciato del fosso divisorio è giusto oppure falso ».

Giôan. - A l'é faôs.

Giacô. — A l'é faôs. (urlando)

Pinot. — A l'é faôs.

Nôdar. — Oh, finalmente i seve tuti d'acordi. Côn son a veul di' che « riconoscete unanimamente e concordemente che il tracciato del fosso è falso ». L'è vera sì o no?.

Giôan. — Sicura

Giacô. — A l'è parei (assieme)

Pinot. - Sí, l'è vera.

Nôdar. — « Di conseguenza occorre precisare perchè questo tracciato non corrisponde ai vostri desiderata ».

Giôan. (verso Giacomo) Côl ambrôiôn...

Giacô. (verso Pinot) Côl impôstôr... Pinot. (verso Giôan) Côl picamôte...

Nôdar. (esasperato) Côsì as va nen avanti. I veule capila sì o no che sí i sôma nen né a l'ostô né a la féra? E che mi i sôn nen né 'n sensal da crin né 'n ciarlatan da piassa? E che se veuj, i peus anche mandeve tuti e tre 'ns la fôrca?

Giôan. — Giacô — (assieme, indignati) Nôi ans la fôrca?

Nôdar. - Sicura, e che'l diaô c'aô porta.

Giôan. (indignato) E mi, m'na vad.

Giacô. — (assieme) Anche mi.

Nôdar. — E così i dimôstreve na volta tant che seve nen d'entérdì (Porgendo l'incarto della questione) Sôssì a l'é la vostra pratica.

Giôan. — | (cercano di afferrare | Am tôca a mi L'é roba mia C'am la daga

Nôdar. — I la strassô 'n tre part, e v'na mondô, uña a prun, a ca vostra. Seve côntent parej?

Giôan. — D'acorde Giacô Pinot. — D'acorde Parej am pias Va benone (si avviano verso l'uscita) Giôan. (si volta di scatto, minaccioso) Ma, intendômse ben... che le part a siô ugôale, altrimenti...

Giacô. — Altrimenti...

Pinot. (minaccioso) Altrimenti... Nôdar. — Ma 'ndé 'ns la beata!

Pinot. — | Altrimenti gôài (via dal fondo)

Scena XI Nôdar poi Marianin

Nôdar. (buttando l'incarto sulla scrivania) A së studia tanti ani... as fatica per pié 'na laôrea... as sacrifica la giôventù... per peui finì an mes a sti tàrô!... (accasciandosi disilluso sulla poltrona) Mah!

Marianin. (accaldata, euforica, sbraitante, sopravviene di

corsa dalla cucina) Sôr nôdar... sôr nôdar...

Nôdar. — Cosa ca j'é?

Marianin. - Ca 'ndviña, sôr nôdar, c'a 'ndviña...

Nôdar. (indispettito) E cosa 't veule mai che 'ndviña! Parla, su.

Marianin. (al colmo della gioia) Sa saveissa la bela sôrpreisa! A sôn rivà; a sôn li dedlà!

Nôdar. — Ma chi?

Marianin. (parlando velocissima) Chi?... Mia sôrela, me cugnà, mia nôvôda e me nôvôdin.

Nôdar. (Come se avesse ricevuta una mazzata sulla testa)

Tuti qôat?

Marianin. (giuliva) Ma sì tuti qôat. C'a penssa che gioia!

Nôdar (ingoiando amaro) Già... e veui 'dco speré c'a
l'abiô 'l bôn sens ad tôrnèsne a cà 'ntla giôrnà.

Marianin. — An giôrnà?... Ma as fermeran almenô na gôindseña d'dì!

Nôdar. (spaventato) Na qôindseña 'd dì?!

Marianin. — Eh, a ma smia, no? I me nôvôdin a l'an côsí dabsogn ad respiré 'n po' d'aria d'môntagna!

Nôdar. — Ma as pôdria saveisse chi c'a l'à 'nvitaie?

Marianin. (con falsa ingenuità) Chiel!

Nôdar. — Mi?...

Marianin. (con voce un po' tremante) Ma sicura! Tute le volte ch'ij manifestava 'l desideri d'vëde i me parent, chiel am rispôndia sempre côn un pi bel sôrisèt c'a vôrija di' tante prômësse...

Nôdar. (a denti stretti) Un bel sôrisèt côme côl ch'it

fas adess, né?

Marianin. (che ha volontà di piangere) ... E mi chi cherdija c'ai feissa tant piasì d'arvëdie!...

Nôdar. (ironico) ...e 'd mantéñie.

Marianin. — I lai faje la bela sôrpreisa d'ënviteje... e 'nvece... (scoppia in singhiozzi)

Nôdar. (invelenito) Ma che bela sôrpreisa... che bela

sôrpreisa...

Marianin. (asciugandosi le abbondanti lacrime col grembiule da cucina) C'a staga pura tranqôil ch'ij mandô tôrna a Turin; ma... ij vadô d'co mi côn lôr... Sicura che m'na vad; e chiel a sna starà sôl, si an môntagna, côn côl scheletro velenôs 'd tota Carmela... e c'a staga sicur c'am rimpiangerà... e a më scrivrà ad lônghe letere per che ritôrna... ma mi, côcô... e i reôma as ji curerà da sôl... e pi gnun ai farà bin i fument côme che j'i fasija mi, e a sarà côstret a esclamé: Ah, s'ai fussa ancôra sì côla santa dona d'Marianin, ma mi côcô... i tôrnerai mai pì... mai pí... (è squassata da un eccesso fragoroso di pianto) Ah, ah...

Nôdar. (gira per lo studio con le mani nei capelli) Basta, basta, côn ste gnaôlade... Se t'veule, faie ste 'n meis, n'an, tuta la vita fiña a « la consumazione dei secoli »

ma piantla d'fé d'euli per l'amôr di Dio!

Marianin. (ha un moto di gioconda sorpresa, poi, nuo-

vamente euforica) Oh 'l cheur a m'lô disìa che me nôdar a l'é pi bôn che 'l marsapan.

Nôdar. (disilluso) per forssa... per forssa...

Marianin. (corre verso la cucina e chiama) Pinôtiña, Vincens, Lina, Gigi vnì a saluté 'l sôr nôdar c'a l'a martès ad vëdve.

SCENA XII

Pinôtiña, Vincens, Lina, Gigi e Detti

I Parenti. (entrano sornioni salutando a voce alta e sguaiatamente) Ceréa, sôr nôdar...

Gigi. (subito) E tante grassie per el gentil invit (fa un cenno alla sorella come per dire: te l'ho fatta).

Lina. (indispettita, a Pinôtiña) Mama, i j'era mi ch'i devija dí « tante grassie per el gentil invit » e nen Gigi.

Gigi. (pungente) Ma mi i sôn stait pi' an piota.

Lina. — It ses ne stupid; ecco lon ch'it ses.

Gigi. — E ti 't ses na gnoca.

Vincens. — (dando uno scapaccione a Gigi) Ti ciapa, e ricort-te bin ad lon ch'i lai racômandate prima d'parte da Turin: Côn al sôr nôdar a bsogna tiré fora le parole fiñe, e nen i titòi côme côi c'a m'arfila sempre tôa mare gôand c'a l'é arverssa.

Pinôtina. (risentita) Mi it dag ad titôi?

Vincens. — Al pi' bel ch'it las dame fiña adess a l'é

Gigi. — Si, si, a l'é vera, e pôdria anche giurelô, a l'a datlò bele mac un môment fa, an cusiña, qôand ch'it l'as dije che 'nvece d'ambérlifésse tant i laver ad rôss, a farija mei a pasésse la carta veder ans al col c'al l'à pien ad rusô.

Marianin. (non vista dal notaio, fa cenni disperati ai

parenti perché tacciano).

Pinôtina. (con esagerate moine) Ah, sôr nôdar, sa saveissa come c'a l'é busiard me marì!

Vincens. (alla moglie) Ti, articôl, sta bin atenta côme ch'it parle perchè se t'én fase giré ancôra 'n poc la scufia, it n'amplacô dôi da fete vnì la ghigna rôssa, anche senssa blét.

Pinôtina. — E a sarìa nen la prima volta... purtrop!

Marianin. (che sta sulle spine) Ben, adèss che i leve fait 'vostr dôvèr ad saluté 'l sôr nôdar, lasômlô travajé tranqôil. Pà vera, sôr nôdar.

Nôdar. (risponde con un grugnito).

Gigi. (a Marianin) Ti, magna, e l'é ancôra nen ôra d'mangé? I lai na sghèusia!

Vincens. (dà uno scapellotto a Gigi).

Gigi. — Ma porcô can, it ses già a dôi a gnun!

Lina. (a Gigi) A l'à prope rasôn papà ad tirétie giù, perchè t'ricorde pi nen l'on c'a la scrivune magna Marianin qôand c'a l'à invitane: « Da mangiare ve ne darò a crepapancia, ma quando il vecchio è fuori di casa ».

Nôdar. (al colmo dell'indignazione, si alza di scatto) Che scheur! (si dirige verso destra).

Marianin. (impressionata) Cosa c'a fa sôr nôdar?

Nôdar (secco) L'on c'a më smija bin ad fé. Dop tut anche se t'ses côntôrnà dal to... parentado, i chërdô d'esse ancòra mi 'l padrôn si drinta... No?

Tutti. (profondendosi in inchini); Ma certo, ma sicura,

e côme...

Nôdar. (sbottando) Ent l'ora... gaveve dant i pé... (via dalla destra).

SCENA XIII

Marianin, Pinôtina, Vincens, Lina, Gigi

Tutti. (si guardano un po' impressionati e disillusi) Pinôtina. — E adèss? Marianin. — I l'ôma fala grossa e adess a venta ch'i cercô d'rangela.

Vincens. (alla figlia) A l'é côla lengassa lì c'a l'é tacaje

d'parlé d'mangé.

Pinôtiña. (a Vincens) Oh già, ti it lavrije preferí c'a laveissa parlà d'beive.

Lina. (piagnucolando) Ma cosa ch'i lai dit ad mal? I

l'ai nen fait aôtr che ripéte...

Gigi. — Oh ti per ripete it ses specialista. Anche la prima mignin it las ripetula quatr ani.

Lina. (scoppiando in singhiozzi) Busiard d'un busiard, a l'é prope nen vera. I lai mac ripetula tre ani.

Vincens. (dando uno scapaccione al figlio) Ampara a di l'giust, lenga d'arabich.

Gigi. — Ma papà, t'las prope la fissassiòn d'ij scufiot? Lina. (al padre) Daine ancôra n'aôtr, c'a s'lô mèrita.

Marianin. — Basta, basta per l'amôr di Dio. Pitost, cômbinôma cosa che dôvôma fé per calmé el nôdar.

Gigi. — Dômie la canamia?

Marianin. (scrolla le spalle. Poi a Vincens) Ti cerca 'd rendte util côn gôai cit travaiôt.

Pinôtina. — Travaié Vincens?... Ma pitost a travônd 'n

bôtàl d'acqua Janos.

Vincens. — Già... Disie c'am buta a fé qôaicosa an crota, e peuij a védrà côme ch'ij la butô an ôrdin.

Gigi. (sornione) T'ëi la veuide, ti, la crota; aôt che

butèila an ôrdin.

Marianin. (a Gigi) E stôpa sta gaiofa na bôna volta.

Gigi. (si porta comicamente le palme delle mani sulla bocca)

Marianin. (alla sorella) E ti, Pinôtiña, che... là... it ses na fômniña bastanssa piasôsa...

Vincens. — A l'é prope vera ch'a l'é nen el bel, lon ca pias.

Gigi. (scoppiando a ridere) Côsta a l'é bôña.

Pinôtina. (esasperata a Vincens) Cosa t'veule mai antén-

détne ti 'd fômne, ch'it ses sempre ciôc côme na bija!

Gigi. — Oh si si... a lò dis anche la pôrtiera che papà a l'é sempre rôtônd.

Vincens. (Gli dà uno schiaffo)

Lina. — Oh che goi.

Gigi. — Ma porcô can, i l'avria pà d'volte pià l'abônament ai lôrdôn...

Marianin. — Per carità, piantela na bòña volta. 'L nôdar a peul turné da un moment a l'aôtr, e nôi i lôma ancôra cômbinà 'n fôtre! Dônque, ti Vincens it faras qôai travaiot....

Vincens. — An crota.

Marianin. — Ma si, an crota, 'ndôa diasne c't veule. Basta che të staghe nen tut al di côn le piote an man. E tì, Pinôtiña... t'las piame?... còntijla 'n poc al nôdar... t'sas, ai vejòtô ai pias sempre vëdse fé le gnogne da una fômniña giôvô e piasusa.

Pinôtina. (fingendosi ritrosa) Ma mi... in genô....

Vincens. — Oh povra nôsenta!

Marianin. (facendosi improvvisamente seria, a Pinôtina)
Ma... capiômse ben... e tàcatlô tacà l'ôría, che se 'na
dona a dèô sacrifichesse për al nôdar, côla dôna sôn
mi, esclusivament mi. Sôma intèis, ne?

Pinôtina. — Ma 'scapis lôlì!

Vincens. — Ah Marianin, it ses nà con dôe camise, ti... (fa per abbracciarla)

Pinôtina. (trattenendo Vincens) Adéss, ancômincia nèn a sacrifichete per tôa cugnà.

Gigi. (a Marianin) Ti, magna, e mi, côme che dévô cômpôrteme?

Marianin. — It deve mac sempre tène la lenga an bôca. Gigi. (sornione) E 'ndôa 't veule che la téna?...

Lina. — E mi?

Marianin. - Ti 't deve prôcuré d'nen fé tant la gnoca.

Gigi. — Brava! It ses la mia magnota d'or (abbraccia e bacia rumorosamente Marianin)
Lina. (scoppia in pianto)

Scena XIV Carmela e Detti

Carmela. (affacciandosi indignata alla porta di fondo) Ma côst sì, e l'é n'ufissi o 'l mercà del balôn? Vincens. (ironico, all'indirizzo di Carmela) Che bel sarsèt!

Carmela. (veemente) Vilan qoader! (si ritira sbattendo

la porta)
Vincens. (invia comicamente un bacio all'indirizzo di
Carmela) Tè, ciapa, bel bôchin da scarvàsse.

Tutti. (ridono sgargheratamente).

SCENA XV

Nôdar, Vincens, Pinôtina, Lina, Gigi

Nôdar. (si presenta dalla destra, ed amaramente ironico) A vë smija nèn c'a sarìa ôra ad lasseme tranqôil an mé ufissi?

Marianin. — Ma sicura, sôr nôdar; anssi, i me parent ai ciamô scusa s'a lan esagerà 'n poc per la gran

gioia c'a preuvô a esse ospiti an sôa cà.

Vincens. — Si, si, Marianin adess a l'à spiegane bin côme che devôma cômpôrtesse e côsì a vedrà che...

Marianin. (gli pesta un piede per farlo tacere).

Vincens. (a mezza voce) N'assident!

Pinôtiña. (vezzosa al notaio) Che tut andrà bin... ai lô dis Pinôtiña... la sôa Pinôtiña.

Gigi. — Si, si, perché papà ai butrà a post la crota, mama ai farà le gnogne, mi tnirai la lenga an bôca,

e Lina, s'ai sarà pôssibil, a sarà menô gnoca del solit. Marianin. (rossa dalla bile, spinge tutti verso la destra) Andôma, 'ndôma...

Pinôtiña. — (si allontanano a ritroso, sprofondandosi in goffi inchini) Tante grassie, sôr nôdar, tante grassie.

Vincens.

Pinôtina. — (via dalla destra)

Marianin _

Vincens. (accorgendosi che Gigi, volutamente, si attarda per tema di prendersele, gli dà uno scapaccione) Fila. Gigi. (via di corsa, seguito da Vincens che continua a minacciarlo).

SCENA XVI

Nôdar, poi Carmela poi Nella

Nôdar. (disgustato, sosta alquanto, in piedi, a capo chino, con le mani sprofondate nelle tasche della giacca, poi, lentamente, ritorna al suo seggiolone, dove quasi si accascia, esclamando) Mah!... e penssé che pôdría avei na famija mia, tuta mia... se... Ah, côme ch'im sentô sôl an mes a sta gentaia!

Carmela. (dal fondo, con sussiego) Përmess? (Non rice-

vendo risposta chiede più forte) Përmess?

Nôdar. (scuotendosi) Cosa j'é?

Carmela. (asciutta) Na sgnôra a ciama d'esse ricevua.

Nôdar. — Na sgnôra?

Carmela. — Esatto.

Nôdar. (dopo di aver alquanto riflettuto) A saría fôrsse côla sgnôra veja, d'la bôrgà si d'giôra, c'a l'é già vnua la smaña passà?

Carmela. - Ño! côsta a l'é na sfollata 'd Turin.

Nôdar. — Ah!

Carmela. (nervosa) E l'é anche giôvë.

Nôdar. - E là...

Carmela. - E l'é anche bela.

Nôdar. — Meno male!

Carmela. — Meno male?

Nôdar. (con l'animo un po' sollevato per il gradito diversivo) C'a la fassa pura passé.

Carmela. (rossa dalla gelosia, va alla porta di fondo,

l'apre di botto, parlando verso fuori) Prego.

Nella. (semplice, elegante, impellicciata, naturalmente spigliata, un po' nervosa, entra con passo svelto, dirigendosi verso il notaio).

Carmela. (lancia un'occhiata velenosa a Nella ed al notaio, ed esce indispettita dal fondo, sbattendo la

porta).

SCENA XVII

Nôdar e Nella

Nella. — Nôdar Givone?

Nôdar. (alzandosi) Per servila... tota... o madamin?

Nella. — Purtrop i sôn maria. Më sciamô Nella Bardini.

Nôdar. — Ben ônôrà (indicando una sedia di fronte alla scrivania) Prego.

Nella. (sedendosi) Grazie.

Nôdar. (sedendosi) E perchè... purtrop?

Nella. — Perchè s'i laveissa nen la disgrassia d'èsse marià,

a stôra i sarìa nen sì a distôrbelô.

Nôdar. — Distôrbeme? Ma tut aôt, perchè la visita d'na sgnôra giòvô e eleganta côme chila a côstituiss un diverssiv côsì dôs a la vita monotona e sôlitaria d'un nôdar 'd môntagna che...

Nella. - I lô ringrassiô d'ij so cômpliment, ma i l'hai

l'anima côsí arversa che i peus gnanca aceteie.

Nôdar. — An rincress prope tant. E anlôra, a veullô che íntrô sens'áôtr ant l'argôment prôfessional?

Nella. — Precisament. (con decisione) I veuj fé divorssio.

Nôdar. — Ah... Niente po' po' di meno.

Nella. (decisa) Niente po' po' di meno.

Nôdar. — Capìsco... Ma a lô sà madamin che 'l verbo divôrssié a l'à na declinassiôn côsì dificila e pericôlôsa?

Nella. — A l'é perfetament inutil c'a tenta 'd dissôàdme.

I veui fé divorssio e lô farai.

Nôdar. — E... a sarìa fôrse indiscressiôn la mia se ij ciamèissa 'd cônosse la caôsa c'a l'à pròvôcà na decisiôn côsì pieña 'd cônseguensse?

Nella. — Oh la caôsa a l'é semplicissima: Me marì am

tradis.

Nôdar. — In modo inequivocabile? Nella. — In modo inequivocabile.

Nôdar. — E le preuve? Nella. — Evidentissime.

Nôdar. — I capissô...; ma la preuva decisiva, côla indispensabil, côla « probatoria » a l'é 'n grado 'd prodivla?

Nella. — I lai tropa dignità 'd mi, côme spôsa e côme

Nôdar. (dolcemente) Anche mamina?...

Nella. — Si, d'na cita.

Nôdar. (paterno) Brava! E la niniña as ciama?

Nella. — Maria... côme la nona.

Nôdar. (colpito) Maria... Bel nom... e tant car...

Nella. (continuando) I disìa, ch'i sentô tropa dignità d'mi per umilieme ant un sopraluogo tant ôdiôs qôant inutil.

Nôdar. — Benissim. (quasi con sollievo) E côsi, da lon c'am risulta da le sôe dichiarassiôn, ai mànca la preuva « indipensabile ».

Nella. (con slancio) Ma se ai na j'è tante e tante d'aôtre Nôdar. — Che naturalment a l'an mac un valor secondari

Nella. — C'a senta, nôdar, e c'a mé scusa d'la mia fran-

chëssa. Mi i sôn nen vnua da chiel per ciameie 'd cônsèi, ma per c'am precisa le pratiche che devô fé per ôtéñe 'l divorssio.

Nôdar. — La stra a l'é môtôbìn storta e spinôsa « mia gentile e giovane signora » tantô pí che « manca la

prova ».

Nella. — C'a senta bin cosa ij disô. A causa d'la gôera, im treuvô sfôlà ant un paisòt si daôsin. Tute le matin. me marì, per andé a Turin andôa a pôssèd na fabrica, a part da sì côn al prim treno.

Nôdar. - A qôatr e trentasing.

Nella. - Perfetament.

Nôdar. (paterno) A dèô amëtte « gentile signora » che so marì as sôbàrca a 'n bel sacrifissi, tantô pì c'a l'é qôotidian. E la seira a tôrna a...

Nella. — A neuv e singôanta.

Nôdar. (subito) Qôand che 'l treno a l'é an ôrari...

Nella. — Sì, perchè d'le volte a l'é an ritard ad qôasi dôe ôre...

Nôdar. — Lon c'a porta l'ariv ad so marì qôasi a mesaneuit.

Nella. — E già.

Nôdar. — Certo che per chiel c'a deô riparte dop qôatr òre e mesa ai resta ben poc temp da deurme... N'aôtr bel sacrifissi, evidentement, che so marì a fa per amôr 'd sôa famia... (con intenzione) perchè s'ai vôreissa nen bin a sôa spôsiña, ai tôrnëria môtôbin pì còmôd dë stesne a Turin. A j'ë smia, madamin?

Nella. - Fôrse chiel a desmentia che a Turin a j'é

l'pericôl d'ij bômbardamènt...

Nôdar. (pronto) Che so marì e sfidria vôlônté stërmandse ant un rifugio s'a fussa nen inamôrà d'sôa fômniña.

Nella. - I lô pregô d'nen divaghé, e dë scôteme.

Nôdar. - Sôn tut ôrije.

Nella. — Dônque, c'a senta. Ans ël trenô che me marì a pia tuti i dì, ai mônta anche d'aôtre persôñe.

Nôdar. (leggermente ironico) Evidentement... dato c'as trata d'un servissi public.

Nella. — E tra côste persoñe, a j'é na tota... che... a l'a capime?

Nôdar. — E côme... (facendo lo gnorri) A j'é na tota che tuti i dì, povra creatura, a deô fé la stessa via crucis per andé a Turin

Nella. — Però, a j'é son: che durant un bômbardament c'a l'avia fait fermé 'l trenô, i dôi ferlingot a sôn andasse a rifugié gnente mèno che ant un ôberge!...

Nôdar. — Andôa che magara a sôn andasse rifugié anche autri viagiatôr; a vôrrija fôrse c'as ripareisô sôta na pianta?

Nella. — Ma a lô sa che chiel a dèô avei fait pôrté ben i corn a sôa madama per difende côl poc ad bôn ad me mari?

Nôdar. — I j'assicùrô, madamin, ch'a së shaglia 'd gros.

Nella. — A l'à mai faje pôrte i corn a sôa madama? Nôdar. - Mai.

Nella. — Ma gnanca na volta. Nôdar. — Gnanca na volta.

Nella. - Parola d'ônôr?

Nôdar. - Parola d'ônôr.

Nella. — Eben. I lô cherdô nen istèss.

Nôdar. (bonario) Epura ij lô fas chërde sùbit.

Nella. — Ah nôdar... chiel a cônoss ancôra nèn côme i sôn faita. Qôand ch'in ficô n'idea an testa, prima d'gavemla ai va 'l crich.

Nôdar. — Ebèn: i l'ai mai e peui mai faie pôrté i corn a mia fômna anche për al môtiv... che... i sôn da

marié.

Nella. (indispettita scrolla le spalle) Chiel a l'a mac veuja 'd pieme 'n gir; e mi 'nvece, a m'interesa 'd savei qôale c'a sôn le pratiche ch'i devô svolge per ôteñe 'Î divorssio, o almeno la separassiôn legàl.

Nôdar. (fissando paternamente Nella) Chila, madamin, a l'a 'na niniña, a l'è pa vèra?

Nella. (accenna di sì col capo)

Nôdar. — E bin, c'a tôrna fiduciôsa da chila... da la sôa Maria...

Nella. — Côme c'a fa a ricôrdesse d' so nom?

Nôdar. (in dolcissimo ricordo) Perchè a l'é l'istéss nom che, tanti ani fa, a pôrtava na persôna ch'i lài vôrsuie tanta... (controllandosi)... sì i vôria cônsigliela 'd tôrné da la sôa creatura, e c'ai pènssa pì nen a le tàpe impreviste che so marì a l'è côstret a fé, qôand che côi bruti ôslàss carià d'bômbe a côstringiô i trenô a fërmesse e la gent a scapé côn ël baticheur. E ca riflèta, madamin, che la gôera a ecita i nerv, esagerand le cose... e c'a teña bin present che la separassiôn legal a l'é l'ultim paliativ c'as dèô rivesse prope mac qôand che tute, ma prope tute le busche del nì a sôn rômpùsse: Ma le busche d'so nì, a sôn ancôra tute n'treghe... c'am chërda a mi, ch'i lai le piume bianche, e che d'ste cose i lai vistne tante, tante, tante...! C'a scusa a veul favôrime 'l so nom?

Nella. — Nella Bardini.

Nôdar. — (prendendo appunti) Nella Bardini... (interrogando) Figlia di?

Nella. — fu Giovanni Basacchi

Nôdar. - E di?

Nella. — Fu Maria Grossi.

Nôdar. (con esplodente, meravigliato dolore) Fu... Maria Grossi?!

Nella. — Si, purtrop, anche mia mama a l'è mancà trop prest.

Nôdar. (si drizza, si passa il fazzoletto sulla fronte, fa qualche passo per lo studio, poi quasi parlando a sè stesso) Maria Grossi... Mariuccia... che tanti ani fa a stasìa a la bariera d'San Paôl, Via Monginevro stantesinch, prim pian, scônda porta a drita... Dôe branche ad pôgiueul côn la vis vergine ën na cassiëtta, i geraniô ant un vas, e sôta, ant la côrt, n'ort gros côme 'n mantil....

Nella. (eccitata) Sì; sì, a l'è prope parei... Ma, c'a

scusa, chiel côme c'a fa à savèilô?

Nodar. (sorridendo ai dolci ricordi) A l'è che sôta côle dôe branche 'd pôgieul i l'hai spetà tante, tante volte na creatura che qôand ch'i jera a l'università a Turin, a m'era tantô cara...

Nella. (con un tremito nella voce) Ma chiel, a l'é pa d'volte... Ugo... (correggendosi subito), Mônssù Ugo? Nôdar. — I sôn prope Ugo... semplicement Ugo, côme

c'am ciamava sôa mama côn la sôa vôsina d'or.

Nella. (in uno slancio di sincerità) Ma perchè c'a l'à nen

spôsala... chila c'a lô adôrava?

Nôdar. (triste) Perchè... perchè... (eccitandosi) E chi c'a peul mai di' perchè c'as fan le bestialità ant la vita! Fôrse che da giôvô as peul cônosse l'valor d'un tesor? (pausa, poi cambiando subitamente tono) Ma chila... côme c'a fa a saveilô 'd mi e 'd sôa mama?

Nella. — Mamiña, dopô la mort ad me por papà, na seira c'a l'era 'pi trista ch'el solit, a l'à parlame d'ne student braô e bel c'a së sciamava Ugo... E l'à dime c'a l'avia vôrsuie tanta, tanta bin... ma che 'l destin...

purtrop...

Nôdar. (dolorosamente ironico) 'L destin. L'é nôi che sôma nen bôn a creèslô; i sôma nôi che s'nanriôma; i sôma nôi che lô scarpisôma... (con slancio) Ma c'am parla d'sôa mama... c'am parla d'Maria.

Nella. — Oh, a l'é na storia côsì semplice... (timidamente) Qôànd che chiel a l'à... lassala... dop aveije

parlà per qôatr ani...

Nôdar. (ha una contrazione dolorosa)

Nella. — ...a l'avia giurà d'pì nen mariesse côn gnun; peuj... a sa côme van le cose... Mia nona a l'era malavia... mama a gôàdagnava poc... e finalment a l'é decidusse de sposé me papà, anche chiel tant braô, ma che purtrop dop pochi ani che j'era nà mi, a l'é mort ad pôlmônite.

Nôdar. — E Maria?

Nella. — Povra mama a l'à tirà avanti fiña a qôatr ani fa, e peuj... anche chila (china il capo commossa)

Nôdar. (appare molto triste)

Nella. (tergendosi una lacrima) Sensa vôrèilô, i lai faie mal; ne?

Nôdar. — La nôtissia côsì imprôvisa d'la mort ad Maria a l'à prope scônvôlgiume; ma l'avei podune parlé con sôa fia, a l'é stait côme 'n rag ad sôl ant la desôlassiôn d'la mia esistensa. (di botto violento) E chila, dop c'a l'a vist e sentù tut al mal c'ai deriva côn l'abandôn ad na persôna cara... a lavrìa ancôra 'l côragi ad parlé 'd divorssio?

Nella. (incerta) Ma... 'l me cas...

Nôdar. — L'so cas a l'é che chila a l'é ancôra na masnà c'a sa nen deje l'valôr c'as merita a so marì c'ai veul tanta bin.

Nella. — Ma chiel però....

Nôdar. (con forza) e c'a slô teña ben scias l'cômpagn d'la sôa vita, 'l pare d'la sôa creatura; e c'ai sia prodiga 'd tenerëssa: e c'as ricorda che la fôrtuña d'pôssëde 'n ver amôr as presenta na volta sôla 'nt la vita... E c'as pia gôarda d'fé dco chila côme mi, che rinônssiand al me amôr... i sôn ruviname la vita per sempre. (si accascia sopra una sedia, appoggia i gomiti sulle ginocchia e si nasconde il volto fra le mani).

Nella. (E' fortemente commossa. Rimane alquanto tibubante, poi, in punta di piedi; si avvicina cautamente al notaio e lievemente lo bacia sul capo).

Nôdar. (sussultando) Përché?

Nella. (che subito dopo il bacio si è ritratta vergognosa, riprende coraggio e sussurra) A nom ad mia mama... a nom ad... Maria.

(Via di corsa dal fondo).

SCENA XVIII

Nôdar poi Dôtôr

Nôdar. (dopo un vano tentativo di trattenere Nella, rimane confuso ed interdetto. Si alza, sosta un istante indeciso, poi, lentamente, va alla finestra, ne solleva la tendina, ed appoggia la fronte e le mani contro il vetro, oltre il quale si scorge la neve che lentamente cade. Pausa. Poi, con la mano fa un lieve cenno d'addio).

Dôtôr. (interrompendo dal fondo) « Ma bravo il nostro notaio! Sempre donnine d'alta classe » Ah sti vei galiné, a jë studiô 'd neuit per feje de dì. E côsì sta seira, a l'ôstô i brindrôma a la sôa neuva cônquista. A j'è na lèôr an sivé c'a ricôncilia côn l'esi-

stenssa.

Nôdar. — Ma mi, verament....

Dôtôr. — A j'è gnugne storie c'a teñô. O c'as decid dë mní côn le sôe gambe, o pura ch'i lô pôrtôma 'n brass. Sôma inteis? (Si avvicina all'uscita, poi, voltandosi) E qôand ch'i lavrôma peuj aôssà 'n poc al gômô, an côntrà i particôlar del colloquio côn côla bela sgnôra. (ridendo) Ah, Nôdar. (via).

SCENA XIX

Nôdar poi Carmela e Marianin

Nôdar. (E' triste e disorientato). (Si aprono la porta di fondo e quella di destra, dalle quali si affacciano rispettivamente Carmela e Maria-

nin, rose dalla gelosia)

Carmela. (sprizzando veleno) In fas premura d'infôrmèlô, sôr nôdar, che da côst moment a deô pi nen cônsidereme côme la sôa segretaria. I vivìa ant l'lusiôn che st'ufissi a fuissa degn ad la reputassiôn e d'la stima c'a god en pais; e 'nvece, côn tut l'ôrôr ch'i preuvô, i devô per forssa cônstaté che, daré d'la faciada bianca, a j'è mac ad marsogna! (con disprezzo) C'as vergogna, a la sua età... c'as vergogna. (Esce dal fondo sbattendo la porta).

Scena XX Nôdar e Marianin

Marianin. — E mi... i lô avertô che i me parent (con ironia) për nen esse d'distôrbi ant sna ca, 'n dôa che chiel a l'a côsì dabsogn ad discressiôn, as na ritôrnô subit a Turin... (acre, togliendosi il grembiale da cucina) e mi 'mna vadô côn lôr... A l'à capime?.... Im na vad; e chiel am vëdrà mai pì... (s'avvia agitata verso la porta di destra, poi voltandosi indignata, inveisce) Landrù! (esce sbattendo la porta).

Scena XXI Nôdar solo

Nôdar. (E' stordito da tante contrastanti emozioni. Sosta pensieroso, poi, esausto, esclama) Mah... (E' colto da un brivido di freddo): Che freid ant i'os... (calza il berretto e si butta lo scialle sulle spalle) Brr... (si avvicina al camino): A l'è destiss (melanconico)... côme 'l me pover amôr... ôrmai, tut a l'è destiss, sì drinta... (Lentamente si adagia sullo sdraio presso il ca-

mino; appoggia le mani ai braccioli e rimane un istante estatico. Poi, senza muoversi, con gli occhi fissi in una lontana visione, esclama con appassionato rammarico) Maria... perchè... (con più forza) perchè ch'i lai nen spôsàte?

FINE

